

Te taata 'toa, e ere te Tavana e te haava, o tei hinaaro i te hoe hohoa o teienci-vea, aufau mai ia e 3 farane no na avae etoru.

Faaau mai ia Tepito te nei parau i Papeete.

TE VEA NO TAHITI,

Ei haaparare raa i te parau rii api e faufaa hia i to te mau fenua i roto i te Hau Tamaru; e neia i te mau mahana mahā toa.

O te feia hoo taōa, e te mau taata e haapao i te tau raa taōa, e tia ia ia nenei atoa hia ta ratou mau parau faaite i roto i teienci-vea, ia aufau mai ratou i farane no te reni hoe.

Faaau mai ia Tepito te nei parau.

PAEAU PARAU NO TE HAU.

Haava raa a te mau Toohitu.

E te Tavana e Pona e, te Auyaha o te Repu-pirita.

IA ORA NA.

Te faaite atu nei matou ia oe, i te ohipa ta matou i rave i teienci mahana 30 no atete 1851. Te parau i te fenua. Ativa i te mataeinaa i Vaiaha, tei maro hia e Piapa raa o Taria, etupuna to Taria, e faaue raa ta Piapa parau. Ua ere roa Piapa i teienci fenua, ua riro roa ia Taria, haere roa i te miti, hoe roa fatu o Taria anae ra. Ua rave hia teienci ohipa i te fare to-roa i Papeete, i te parau raa a te mau Toohitu.

Te mau Toohitu.

Papahia TAAMU : ARAHU, NUUTERE, TARIIRI, HAORE tauturu, TAIRAPA Peretiteni. OTE. Auyaha ture tauturu. VAHIA, Papai parau.

Imoe teienci parau i ore i nenei hia i imulaaihora,

PARAU FAAITE.

RAITI ! RAITI !

Inaha, teie mai nei te raiti. Mai te mea hoi e, e tia raa maoro roa to outou i taua raiti nei, o tei parau hia tu e te hau, e e uta hia mai; no te mea ia e, te hinaaro-ra oia, e o te raiti maitai rahi roa ta to Tahiti nei. Ei anotau maoro roa hoi, e ei moni rahi, e tae mai ai te huero mai te mau fenua mai, tei reira te maitai roa raa taua maa ra.

Inaha teie maa api, e te maitai rahi roa, e itanu raa na to Tahiti nei; Inaha 'toa hoi teie anotau maitai ei tanu raa; i na avae rii hoi e pae nei i muri ae i ta outou ohipa i te tanu raa ra, ei reira ia e paari ai taua maa nei. Mai te mea hoi e, ua rahi roa tei tanu hia ra, eita e pau ia outou iho, haamanao maitai iho ia e, e tau matahiti maoro te mairi e ino ai teienci maa, eiaha e matau o te rahi roa ta outou i te tanu raa, e rahi raa mai tai tei reira. E tupu noa teienci maa i te mau anotau atoa, o te tau ua ra mai teie te huru, tei hau roa i te maitai.

E faaite maite hia tu i roto i te mau Vea, ta outou ravea no te utaru maite raa i taua maa nei

e paari noa tu; teie ra hoi ta outou ravea i teie nei.

Tanu raa i te raiti.

E mata na i te tanu i te huero; e rave taua huero ra e ueue i nia i te fenua rarirari e te marumaru, a tapoi ai te vari na nia iho, eiaha ra ia meumeu te vari i te tapoi raa; mai te meumeu ra o terimarima hoe nei,

Ua na reira hia teie tanu raa matamua, ia roaa mai hoi te ohu maitatai ei tahiti raa, e a rave ai hoi outou i te aua ra, te tupu ra ia te huero; e ia huru teitei taua ohu rii ra, mai te aano raa o te rima taatoa nei, ei reira ia afai ai, e tanu atu ai i te vahi mau i haapao hia; ei fenua marumaru maitai ra hoi tanu atu ai, ia ore hoi taua ohu rii api ra ia oriorio noa i te mahana.

No te tahiti raa.

Mai tei faaite hia tu hoi i nia nei, ia huru teitei te ohu rii e tahiti hia tu ai i te vahi mau i haapao hia, ia tai pae ra hoi, e aore ra, ia tai ono ohu i te ruruhoe a afai ai e tanu. E faateatea toa hoi taua ruru rii ra ia tanu haere, ia tai hoe tiapana te area i ro pu.

E ia hoi e roa taua mau ohu ra i te tanu faa-hou hia, e tuu mai ia i te pape i nia iho e tia; eiaha ra ia hohonu hua te pape, mai te aano raa o na rimarima rii e piti nei; mai te mea ra ia e, e ere te anotau ua i tanu hiai.

No te utaru raa i te fenua a tanu atu ai.

Mai to te taro atoa ra te ravea i te fenua; eita ra hoi e faateitei roa hia te vari; ia oti hoi te tanu raa ra, ia api roa ia i te vai e tia; mai te mea ra ia e, e ere te anotau ua.

Te mau ravea no te haapaari raa i te maa e hotu mai.

Ia huru rarahi rii te maa i hotu mai, i te hopea o na avae e toru ra; ei reira ia e faatahe e hia tu ai te papa.

No te ohu raa mai i te huero.

I te hopea o na avae e maha, e aore ra e pae avae, e paari roa i taua maa nei, e ei reira e ohu hia mai ai. E faaite maite hia tu ra tei reira toa ra mau parau i roto i te VEA, ei tauturu raa tu i te feia e faapu taua maa nei.

O te mau Tavana, te haava, te imiroa, te hui raatira, te mutoi, te feia haapii tamaru, e te mau

orometua hoi, i hinaaro i te raiti-ra, e haere tia mai ia ia miti Pancher nei, te taata faaapu i roto i te Aua o te hau, e ei reira te huero raiti horoa noa hia tu ai, ma te hoo ore.

E horoa hia tehoe *Re*, e pae hanere farane, na te mataeinaa, te fatu, e aore ra te Taiete, na ratou te aua raiti i hau roa i te maitai.

Ei aua rarahi-ra e tia i te horoa ra i teienei Re, ia ono umi teroa, e ia ono hoi umi i te aano.

Ia paari taua maa ra, e ia ohi hia mai, e horoa hia i teienei Re.

NO TE FEIA TOROA.

Te fenua nei te pahi, na moua te tira, na ture te opepe, te mau haava te bio aveia, te Ari vahine e te Tavana i pihaiho te lanoo, e te hau Tamaru nei te tiata. Te taoa puru hara i nia i taua pahi ra, o te purumu maitai ia, te mau aua no te hau, e te mau maa papaa ta Bonard e faatupu haere nei. Oia to tatou nei Tavana i te rai piri, e te faaitoito nei oia i te mau mataeinaa toa, e ia humahu-ma e ia tauteute te maa, ei amu raa na te humaha tamaru. Eiaha tatou nei e nuu i muri, eiaha e parau e, mea rohirohi i no te tanuai. O te mea ia e riro ai to tatou fenua ei pue raa maa na te maro-puru o te mau pahi ra. Eiaha e tao e; o te ruru fano te mea arearea; e upaupa poia ia. Eiaha e parau e, O te mau upaupa te navenave, e ahi maa ore ia.

O te ruro o te mea taoa, e amu ai te mootua rii i te mea para, e paia i hoi te fetii. E taata tanu ai ra, e taata ihi ia, e taata-tauturu i te hau ia, e taata faaore i te veveia, e e taata faa oi ui ia. Ia i ra te fenua i te maa, e ia turerua te tamaru i tahatai e maitai ai.

E manao iti.

E aito te miti, e aito te vai,

Te uira, e te patiri,

E tupu mai to tatou nei tai,

I te totomapu, e te riri.

2.

Ei parautia ra, ei rima puai,

I te utaru raa i te fenua,

E moe iho ai te parau rii tamai.

Maitai ai te hui mootua.

NO TE HAAPII RAA OROMETUA I PAPEETE.

Te faaitoito hia tu nei te taata toa, e te faaitoito maitai nei te mau pipi i roto i te haapii raa o Otomoni nei. E parau rahi aenei taratou i papai, ta ratou i haapii, e te bio moeana noa nei te hui i mua tu. Te rahi nei to ratou maururu i te hamani maitai o te Auvaha o te Repupirita, oia aore i tautuu i te tauturu mai. Ua faatoroa hia aenei te hoe pae i to ratou ihora fenua.

O ROOPOHE.	tei Papeari ia.
O MAIOORO.	tei Toahotu ia.
O OPURA.	tei Vairao ia.
O OTE.	tei Matacae ia.
O DANIELA.	tei Teahupoo ia.
O MATAITAI.	tei Afaahiti ia.
O ROOMETUA.	tei Haapape ia.

Toe mai nei i roto i te haapii raa,

O Faaitoa,
O Teairima,
O Teina,

O Taviri,
O Tehaapii,
O Auri,

O Tiaore,
O Otare,
O Moc,

O Motuutuu,
O Haumani,
O Teuatofo,

E ara ra i te teoteo raa, e te afafa, e faatipaupau haere raa.

TE TAUMATA NO TAHITI.

O te fare no te Iriti ture nei, o te Taumata iano Tahiti. E purutu-hara ia fare. E maere raa na to tai, e na to uta nei, ei nobo raa no ite, ei pahii no te ture, e ei parau raa na te ui hou e a muri noa tu. Eiaha ia fare ia ohumuhumi hia; Eiaha e tao e e maua raa ia no te puai, e te rohirohi raa faufaa ore. Ariana tatou e ite hua tu ai, e faa-hiaha iho ai; e e parau ai e: O taua fare nei, o to Tahiti ia hui, to te hui-raatira ia teoteo raa, e te vanevane ura. Ei haapii raa no te ui hou, ei faaitoito raa na pen e paari ai te tamaru i te hui mana, e e taururu ai te mau Toohitu mai te hau, e te peapea ore.

E homa, e to Tahiti atoa: E rohi a, e faaitoito, e tauturu mai a i teienei ohipa; rourouae ua matara te taura i te ai, e ua puta i te ao, e ua maha roa aera te rohirohi.

NO TE MAU HAAPII RAA.

A rau aenei faaitoito raa hia tu e, ua fatata roa te mahana e faaitoito haere ai te Tavana na roto i te mau Mataeinaa, e biopoa haere i te mau ohipa, te mau haapao raa, e e ui atoa hoi i te mau haapii raa toa. E mahere paha, ei na mahana matamua no teienei ave reva tu ai oia.

Riro roa tura hoi ei mea tia i te mau orometua haapii raa ia faaitoito maitai e teie tau mahana rii e toe nei, a tae atu ai te Tavana, i te haapii maitai raa tu i ta ratou mau pipi. E te haamaramarama raa ia ratou i nia i te vahi rii poiri. Eiaha hoi ia rohia tu e te Tavana te vai poiri paatoa noa na.

Eiaha ra e, o te taio e te papai parau anae ra te haapii iho; e imi atu a ra i mua. Ua hiuru ite paatoa hoi te tamaru i tei reira. O te numera ra hoi, aita ia i itea maitai hia; e rohi a ra i te haapii i tei reira, no te mea hoi, ua ite outou e, e mea maitai rahi roa tei reira ia itea, e e tau re rarahi atoa hoi te afaui hia na te hau te ite i tei reira, maitai tei te matabiti hoi i mairi aenei.

E haapii atoa hoi te tamaru i te Geografia e tia; inaha hoi tena tuna vetahi mau hohoa fenua, tei faaue hia hoi e te Tavana e e nenei, ei haapii raa na outou i te Geografia. Te nenei noa hia nei a hoi taua mau hohoa ra, e ia hope ra. ei reira ia e hapono haere hia tu ai. E rohi a ra hoi te tamaru i te haapii e tia, ia rohia tu hoi e te Tavana, te rahi ra te ite e maitai ai.

E vahi maitai atoa hoi ia haapii hia te reo farani. Tei tia ia ratou te na reira ra, e na reira a ia e maitai ai. Ua ite ra hoi te Tavana e Aita rea e orometua i ite i tei reira reo. O te itera ra hoi, e haapii a ia i ta ratou mau pipi.

Comite no te faaitoito raa i te mau haapii raa.

Aore teienei comite i rave i ta ratou ohipa i na mahana maa e piti i mairi aenei; no te mea, ua moe e vetahi o te mau taata na ratou aloa teienei ohipa. Area ra, ia putuputu faahou mai ratou ra, e haamata faahou hia taua ohipa nei.

Te mau pahi i tapae mai, na i te mahana 29 mai o Atopa.

Tira piti Raiatea o Avera, tapena Manet, mai Huahine mai.
Tira piti Raiatea o Pere, tapena Platt, mai Raiatea mai.
Tira hoe heretane o Oberon, tapena Lyons, mai Sidene mai.
Tira piti marite o Fides, tapena Calston, mai Tarifonia mai.
Tira piti farani o Jane a Hersey, tapena Salmon, mai Oahu mai.
Tira piti farani o Fraternite, tapena Dubernal, mai Ana mai.

Te mau pahi i reval.

Tira piti Rimatara o Beretai, tapena Tavita, ua reva i Raiatea.
Tira piti farani o Caroline, tapena Rousseau, ua reva i Matuila.
Tira piti Raiatea o Avera, tapena Maret, ua reva i Huahine.
Tira piti Raiatea o Pere, tapena Platt, ua reva i Raiatea.

L. L.